

DEBAGOIENEAN BURUTU ASMO DEN DELIBERAZIO EGITASMO ORDEZKATZAILEKO PARTAIDETZA PROZESUAREN BAITAN, HERRITARREN BATZARRAREN ERRAZTE LANETARAKO KANPO LAGUNTZA ZERBITZUAREN KONTRATAZIOA

– HASIERA ETA GONBIDAPENERAKO TXOSTENA

1. Kontratuaren xedea

Debagoienako Udalek eta eragileek, lankidetzazko gobernantza eratzea adostu dute Debagoienan deliberazio prozesua abiatzeko eta bultzatzeko.

Ordutik hona, prozesua bera finkatzen eta diseinatzen eta, aurrera eramateko bideak lantzen aritu da bertatik sortutako organoa.

Prozesua aurrera eramateko baldintzetan zehazten den bezala, Gizabidea Fundazioari dagokio, besteak beste, egitasmoa aurrera eraman ahal izateko deliberazioaren zuzendaritza teknikoa eta horren barruan, prozesuan burutuko den Herritarren Batzarrerako lanak kontratatzea.

Kontratu honen objektua edo xedea da beraz, Debagoienako deliberazio egitasmo ordezkatzailleko partaidetza prozesuaren baitan, Herritarren Batzarraren errazte lanak aurrera eramatea baldintza plegu honetan jasotzen denarekin bat etorritik eta beti ere, ELGAK ezarritako metodologia zehatzaren arabera.

2. Kontratazioaren testuingurua

2023ko udazkenean, eskualdeko erakunde eta eragileen artean, energia trantsizioaren inguruko deliberazio prozesua abiatzeko lanketa garatu zen arrazoi hauek oinarri:

- Energia eskualdearen etorkizuneko bizigarritasunaren oinarri bat delako: garapen ekonomikoa, lurralde antolamendua eta oreka, herritarren bizi baldintzak...
- Arlo ezberdinetako eragile eta herritarrei eragiten dielako: administrazioak, enpresak, lehen sektorea, herritarrak...
- Eskualdearen etorkizuna baldintzatuko duten erabaki estrategikoak hartu behar diren momentu historiko baten gaudelako.
- Elkarrizketa eta lanketa hori bideratzeko "Deliberazio prozesua" tresna egokia izan daitekeelako.

Debagoienan prozesu deliberatiboa garatzea adostu eta, honela definitu zen:

“Prozesu deliberatiboa eskualdeko eragile publiko, pribatu, komunitario, eta orohar, herritarrekin energia trantsizioaren inguruan burutuko den prozesua izango da. Gaiari dagokion informazio

zehatz eta egokitik abiatuta Debagoienan gertatu behar den trantsizio energetikoaren aukera ezberdinak aztertu eta ebaluatzea izango duelarik oinarri.”

Proposatzen den prozesu deliberatiboak badu bereizgarri bat beste prozesuekiko ezberdintzen dituen: prozesua lankidetzazko gobernantzatik bultzatzea proposatzen da, arazo konplexu bati lankidetzaz publiko-pribatu-komunitarioaren bidetik erantzuna emateko xedez. Bide horretan, prozesuaren bultzatzailea ez da eremu publikoa soilik izango.

Adostutakoa honakoa izan da:

Deliberazio prozesuaren Helburuak:

- . Energiaren alorrean helburu amankomunak ezartzea kontsentsu zabalen bitartez, eta egiteko modu berri bat abiatzea.

- . Debagoienako eskualdean herritar eta eragileak ahalduntzea, energiaren aferan beren ardurak hartuz.

Prozesu deliberatiboak hiru fase izango ditu: lehen fasean, eskualdea osatzen duten eragileek mahai sektorialak eratuko dituzte, dilema kontuan hartuz euren posizionamendua eta jarrera jasotzeko; bigarren fasearen herritarren batzarra egingo da. Bertan, ausaz hautatutako herritarrek, galderari erantzungo dion gomendio sorta bat adostuko dute; eta azken fasean, mandatua burutu duten eragileek, gomendioak aztertu, haien inguruan deliberatu eta erantzuna emango diote.

Deliberazio prozesuaren erdigunean, Herritarren Batzarra dago. Herritarren Batzar horretan, ausaz aukeratutako eskualdeko 50 herritarrek parte hartuko dute eta prozesuaren gobernu organoak erabakitako galderari gomendioak ematea izango da bere egiteko nagusia. Era berean, gomendioei jarraipena eta erantzuna ematera konprometitzen da prozesuaren organo gorenak.

Herritarren Batzarraren egitekoa hiru fasetan burutuko da: informazio fasea, deliberazioa edota gogoeta eta, gomendioak osatzea.

Adostutako dilema honakoa izan da:

“Debagoiena energia kontsumo handiko eskualdea da, besteak beste ehun industrialak eskualdean duen garrantziarengatik eta bizi ereduarengatik. Dagoeneko eraldaketa energetiko, ekologiko, sozial eta ekonomikoa gertatzen ari da. Debagoienako eskualdeak garapen eredu iraunkor baterako bidea bultzatu beharko du, eta horrek kontsumo energetikoa gutxitzea eta energia berriztagarrien garapena ekartzen du.

Baina kontsumo energetikoa gutxitzeak ehun industrialak murriztu dezake eta bizi baldintza eta ereduak eraldatu. Era berean, energia berriztagarrien eskala handiko proiektuen garapenak biodibertsitatean eta landalurrean eragin dezake. Horren ondorioz, kontsumo energetikoaren

murrizketa eta eskualdean energia berriztagarriak zein mailatan garatu beharko liratekeen definitu beharko da, alegia, eskualdeak izango duen dependentzia energetiko maila.

Halaber, eraldaketa hau egiteko moduak desorekak areagotu ditzake pertsona, erakunde, herri eta lurralde ezberdinen artean.”

Prozesu deliberatiboaren galdera honakoa izatea adostu da:

“Zein ekintza edo aldaketa burutu beharko dituzte Debagoienako tokiko eragileek energia kontsumoa murrizteko eta energia berriztagarrien garapenerako?”

Prozesu deliberatiboaren izaera:

Aipatutako adostasunez gain, prozesuak izan beharko lituzkeen baldintzak eta gobernantza eredu ere adostu dira. Lankidetzazko gobernantza eredu honek izaera publiko-pribatu-komunitarioari eman nahi dio erantzuna, alegia, prozesu honek izan nahi duen bereizgarritasunari. Beraz, prozesu deliberatiboaren bultzatzaileak izaera ezberdineko erakundeak izango dira. Ondorioz, mandatugileak izango dira bai dilema eta galdera proposatuko dutenak, eta baita prozesu honetatik erator daitezkeen gomendioei erantzuna emango dietenak ere.

Deliberazio prozesuak antolaketa eredu eta organo hauek izango ditu:

- Mandatugile gunea: Gune hau izango da deliberazio prozesuaren gobernantza sistemaren erabakigune nagusia.
- Jarraipen batzordea: Mandatu organoen ordezkarietatik sortutako gune operatiboa.
- Talde sustatzailea edo bulego teknikoa eta azpitaldeak:
 - Metodologia taldea: Herritarren Batzarraren diseinu metodologiko eta dinamizazioa egiteko proposamena eta ardura izango du.
 - Edukien batzordea: Herritarren batzordeak jasotzen duen informazioa osatzeko eta herritarren batzarrean egongo diren hitzaldiak antolatzeko ardura izango du.
 - Komunikazio taldea edo batzordea: Prozesua gizarteratzeko komunikazio estrategia eta plana diseinatu eta egikaritzaz arduratuko da.
 - Ebaluazio eta ikerketa taldea: Bere egitekoa prozesuaren ebaluaziorako adierazleak zehaztea, ikasketak sortzea eta sistematizatzea eta, prozesuaren bermeak errespetatzen direla ziurtatzea izango da.
- Aholku batzordea: Deliberazio prozesuan esperientzia duten erakundeek osatuko dute batzorde hau.

3. **Kontratazioaren funtsa eta egitekoak**

Herritarren Batzarra osatuko duten eskualdeko 9 udalen herritarrak ausaz aukeratuko dira.

Bere eraketa burutu eta gero, egin behar nagusiak honako ataletan banatzen dira:

- a- Deliberazio-prozesuaren meta-diseinua lantzea, landu beharreko edukietan eta ELGAK ezarritako deliberazio prozesuetarako jarraibideetan oinarritua. Besteak beste 40 orduko prozesua aurreikusiz, 4-5 saioetan banatuak, goizeko 9tatik arratsaldeko 18:00tara (behin behineko ordutegia) eta ostiral arratsaldez edota larunbatetan, behean ezarritako kronogramaren arabera.
- b- Parte hartze jardunaldiak erraztea, Herritarren Batzarren hiru faseak (informazioa – deliberazioa eta gomendioak) eta bertan landu beharreko edukiak kontuan hartuz. Eduki horiek, eskura izango ditu dinamizazio taldeak, horiek prestatzea bere egitekoetatik at geratuz.
 - Bereziki zaindu beharko da parte hartzaileen aniztasuna (generoa, adina eta zozketaren estratifikazioaren arabera ezarritako bestelako aldagaiak) batzarkideen iritzia, ahotsa eta parte hartzea oro har, segurtasunez, konfidentziasunez eta konfiantza giroan eman dadin.
- d- Saiotako emaitzak jasotzea eta zuzendaritza taldeari aurreikusitako eredian entregatzea. Emaitzaren entregagaia aldeztatik definituta egongo da bulego teknikoarekin batera. Deliberazioaren azken edukien txostenik ez du kontratatutako enpresak idatziko (herritar-taldearen zeregina izango da).
- e- Herritarren Batzarren ebaluaziorako, parte hartzaileen balorazioak eta, bulego teknikoak ezarritako ebaluaziorako ebidentziak jasotzen laguntzea.

Zerbitzuaren zehar-lerro nagusiak, modu zehatz batean eta jarraian azaltzen diren irizpideen arabera garatu beharko dira. Zehar-lerroak zerbitzuaren fase guztietan landuko dira; diseinuan, plangintzan, esku-hartzean eta ebaluazioan txertatuko dira.

Genero berdintasuna, aniztasuna eta euskararen erabilera dira zerbitzuaren zehar-lerro nagusiak.

Genero-berdintasuna:

Genero ikuspegia txertatu beharko da zerbitzuaren diseinu, planifikazio, esku-hartze eta ebaluazio lan guztietan. Azken helburua izango da garapen integrala bultzatzea, generoaren araberrako estereotipo eta rola baztertuko dituen eta baita bereizkeria mota oro ere. Prozesuan genero berdintasunerako planteamendua egin beharko da.

Inklusioa: Erabiltzaileen aniztasuna kontuan izango da (adina, sexua, jatorria, sinesmena, gaitasuna, etab.) eta tratu eta aukera berdintasuna bermatuko da. Zerbitzuan arreta berezia eskainiko zaie zailtasunak edo behar bereziak dituztenei (gizarte zailtasun egoerak, aniztasun funtzionala, jatorriz beste kultura batekoak direnak,...). eta horretarako, aniztasunaren kudeaketarako planteamendua egin beharko da.

Euskara: Euskara izango da lan eta zerbitzu hizkuntza.

Horretarako, beharrezkoak diren baldintza guztiak bermatuko dira: langile elebidunak, euskarazko materiala, erabilera sustatzeko planifikazioa, etab. Erabiltzaile bakoitzaren hizkuntza errealitatea eta herritarren hizkuntza eskubideak kontutan hartuta, hizkuntzen kudeaketako planteamendua egin beharko da.

Horretaz gain, emaitzari begira kudeaketa-koordinazio hauek burutu beharko ditu azpikontrataturako aholkularitzak.

- Bulego teknikoari prozesuaren diseinu zehatza eta kronograma aurkeztea aurreikusitako epean.
- Proiektuaren gobernantza eta koordinazio guneetan parte hartzea.

4. Prozesuaren dataz, koordinazio eta jarraipenaz

Epe labur eta estuetan egiten den lan konplexua izanik, bulego tekniko eta aholkularitzaren arteko koordinazioa oso estua izan beharko du.

Kontuan hartuz aurreikusitako beheko kronograma, enpresak bere eskaintza bitartez gutxienez beheko epeak betetzeko konpromezua adierazi beharko du, baita kronogramak izan ditzakeen aldaketei erantzuteko aukerak ere.

DELIBERAZIO PROZESUAREN FAZILITAZIOA	OTSAILA MARTXOA	URRIA	AZAROA
0.Urratsa. Deliberazio prozesuaren metadiseinua lantzea	X		
1.Urratsa. Lehengo saioaren fazilitazioa		X	
2. Urratsa. Bigarren saioaren fazilitazioa		X	
3. Urratsa. Hirugarren saioaren fazilitazioa		X	
4. Urratsa. Laugarren saioaren fazilitazioa		X	
5. Urratsa. Bosgarren saioaren fazilitazioa			X
Emaitzak jaso eta prozesua itxi			X

5. **Esleipen irizpideak**

5.1. PROPOSAMEN TEKNIKOA

Aurkeztutako proposamen teknikoaren kalitatea baloratuko da modu honetara.

Gehienez 80 puntu

a) Proiektuarekiko kokapena, planifikazioa eta helburuak (gehienez 15 puntu)

1. Proiektuaren markoa, helburu zehatzak eta egitekoetan zehazten diren jarduerak modu egokian erlazionatzea (5 puntu).
2. Eginkizunak aurrera eramane eta helburuak epean betetzeko zerbitzuaren plangintza eta beharrezko kronograma (5 puntu).
3. Proiektuaren fase ezberdinei begirako planteamendu zehatzak egitea (5 puntu).

b) Lan-metodologia (gehienez 25 puntu)

- 1- Kontratuaren objektu diren eginkizunak aurrera eramateko jarraitu beharreko prozedurak (10 puntu):
- ELGAK ezarritako metodologiaren arabera, jarduera arlo bakoitzean nola landuko den zehaztea (5 puntu).
 - Parte hartzea bermatzeko proposamena: prozedura, metodo eta teknikak (5 puntu).

d) Lan taldea (gehienez 15 puntu)

- 1- Esperientzia (10 puntu):
- Deliberazio egitasmo ordezkatzaileko zozketa zibikoetan (5 puntu).
 - Parte hartze prozesu zein ekimenetan (5 puntu).
- 2- Taldearen osaera: proiektuaren bermerako parte hartuko duten pertsona-kopurua eta eginkizunen (koordinazioa, teknikari lanak...) planteamendua (5 puntu).

e) Proiektuaren kalitatea bere osotasunean (gehienez 10 puntu)

f) Hobekuntza proposamenak (gehienez 15 puntu)

Aurrez zehaztutakoaz gain, zerbitzuko lana hobetzeko, osatzeko, proposatzen diren bestelako baliabide, koordinazio, baliabide etab.

5.2. ESKAINTZA EKONOMIKOA

Gehienez 20 puntu

Eskaintza ekonomikoarekin batera, eskaintzaren banakatzea aurkeztu beharko da ondorengo atalen baitan baloratzeko:

- Eskaintza ekonomikoak jasotzen dituen ekintzak.
- Proposatutako euskarri zein baliabide zehatzen proposamena (aurrekontuan sartzen eta sartzen ez direnak zehaztuz).

6. **Aurrekontua**

Zerbitzua aurrera eramateko gehieneko kostua 39.000 € (+ BEZ), enpresaren eskutan geratuko diren azpikontratazio barne.

7. **Proposamenak aurkezteko gehienezko epea**

Gonbidapena jasotzeko azken eguna, urtarrilak 20 helbide honetan: deliberazioa@gizabidea.net

Dokumentu honen inguruan edozein zalantza izanez gero, prozesuaren arduradun teknikoarekin argitu ahal izateko gonbidapena luzatzen da.

Arrasaten, 2024ko abenduaren 17an.

